

宋左丞相陸公全書

與擔雪和尚書囑轉致熊北海先生作陸丞相全書序

擔雪和尚俗姓李法名洪儲一名靈巖葉菴老師俗姓熊名開元字北海號魚山故明諫議官

楨

結髮就傅時卽知海內有魚山先生迄今十餘年來書魂

潦倒斐牘束閣歲歲惟向梅花嶺畔賡淚西臺孤悵無托也何幸海內人宗正坐溫靈巖片石

楨

幾欲收摭草間餘唾仰

白心期輒自慚悚而止忽焉望恆非常值靈巖大和尚法駕

來遊

楨

念荒鹵中有何英靈堪邀垂顧向曾仰承先志輯成

陸丞相全書藏之故麓已有年矣未有錫數語以提獎茲事者丞相生面或得邀惠大慈一時從筆頭點出卽謂今日滿路旃檀是丞相在天之靈所默爲感召可也因稽首以上之法座前幸蒙和尚不棄鄙夷許攜歸質之老師兼籍珠玉以

光卷首

楨

復南望靈巖遙爲頂禮冀老師不惜肘後神餅灑

潤幽遐令數百年元壚煥然復旦匪特先人表章之志賴以
長伸而丞相不朽忠魂永得依光日月矣臨楮曷勝瞻顙之
至王之楨白

再與擔雪和尚書

先人生平喜讀書遇古人忠孝事輒感慨涕泗不已痛吾鹽
數百年內獨陸君實一人爲天地正氣所鍾而生平著述無
從考見令採風之士弔古之儒過吾鹽而詢之父老茫無以
對恨不得生致史班諸公再拔其舌爲丞相寫照而又自傷
爲貧賤所困不得多購異書與訪之當代聞人聊據聞見所
及裒集丞相全書八卷未竟而卒時丙子冬十一月也易簣
之日口不能言惟手指故麓不已楨是以自忘固陋稍充廣
之兼述先志各綴數語於篇末未嘗敢出而問之今人也一
旦蒙和尚大慈見而攜歸山中付葉菴老師作序以誌不朽
豈非風雨雷神所樂爲呵護者乎復蒙俯詢先人平生楨失

血新愈不能文亦不敢飾也先人天性孝友事兄如父嘗采歷代以來詩歌中有關係五倫者分類成帙以資人與感寄跡一廛左琴右書宛如精舍手抄口誦夜以繼日每當漏下三鼓時市樓上有熒熒短檠相對苦吟者夜行人輒擲楸以過曰王某讀書未寢也尤樂推解愛施與每歲必造木棉布襖數十以衣寒者年一不登卽命家人日減一餐晨炊粥數桶貯之門內以待饑者行之廿年不倦至如還人子女完人伉儷收瘞人骸骨見必爲之初不計其力之勝與否也素性好生從未傷一羽毛有聲之物卽一蠅一蟻誤入羹器茗碗必慘然出之輕置之於冷灰之上俟其稍稍蠕動則欣然喜見顏色生平史學甚富談古今興亡事歷如指掌雖隱於市

諸俊髦執書晰義來資辨論者嘗與販易之徒趾相錯也初
膺流寇之難先人竊深杞憂有傷亂詩曰風塵滿目萬方憂
我輩無庸智者謀萬灶烽烟闕月暗一天笳鼓陣雲秋救時
真得謝安石琢句虛傳趙倚樓何日鏡歌班露布桃林早放
運翰牛坐鬧市中時時淒然苦吟淚下霑臆悲何如哉古鹽
王之楨謹識

陸忠烈公金書

續編

道光丙申歲鐫

鹽瀆五柳堂藏板

陸忠烈公全書續編序

君死社稷臣死君義也然未有同日死同地死且同一死法者有之自宋丞相陸公始夫公以格致誠正之學爲修齊治平之業觀其日書大學以勸講可知乃不克遂其志負君蹈海人罔不爲公惜雖然藉令公生治世以理學爲相業遠則與范文正司馬文正近則與真文忠諸公頡頏上下豈不甚善乃公不獲爲治世之名臣而爲衰世之忠臣跡其平生所遭艱辛苦楚爲人生之所不能爲捐人生之所不忍捐在忠臣中尤絕無而僅有百世以下所以令人且驚且歎且悲且泣而不能已已也然則公固得死所矣何必爲公惜又何必有書而公始傳哉顧在公則不必有書而在人則不可無書

何也微顯闡幽庶頑立懦非後起者之責歟余家崇川與公故里鹽漬皆近海曩嘗於史乘中欽其大節而其始終本末遺文軼事與後人憑弔謳思諸作均未之見也甲午以事至鹽獲與其地諸君子遊陶子琴仙稽古嗜學藏書甚富出其先世所遺丞相全書相示蓋前明逸老王飛卿先生所輯先生忠義根於天性居家食貧左圖右史念丞相爲天地正氣所鍾哀集聞見所及薈粹成書其子青巖先生嘗客忠正史公幕下史公深器重之未幾史公殉節雖其君與時勢不同然揚之樑嶺與粵之匡山遙遙相望青巖撫今懷古取其先人遺書續而輯之一以表前徽一以成先志今陶氏父若子又增補焉余讀之因歎淮郡風俗向有士敦節義之目誠哉

其所由來者遠矣書成已二百餘年未經行世爰與陶子及諸同人參互考訂付諸棗梨丞相不泯而王陶兩先生心血亦與之不泯矣況於世道人心尤不無所補哉時

道光十有五年歲在旃蒙協洽之次紫琅山人王紹祖良莚敬題



陸忠烈公遺像贊 并序

余遍求忠烈陸公遺像而不可得也乙未歲率子鏐過
訪潤州鶴林寺僧云陸公遺像久經剝蝕余聞僧言愀
然若有所失及歸里邑山人陸念菴裔孫見余苦志接
求遂出其家傳潮州遺像墨跡余喜展斯圖禮拜畢命
子鏐特摩諸卷首於維

陸公六百餘載遺像人間精忠節烈充塞塵寰託孤六
尺遺大投艱勸講大學正笏朝班慮君再辱涕出潛潛
負帝蹈海感激白鵬得正而斃重於泰山義盡仁至聖
域賢關

邑後學陶性堅謹識

宋左丞相陸公年表

宋理宗嘉熙二年戊戌十月初八日寅時丞相生於楚州鹽城長建鄉長建里距朱子卒三十七年

三年己亥丞相二歲

四年庚子丞相三歲父母攜之徙京口

淳祐元年辛丑丞相四歲

二年壬寅丞相五歲

三年癸卯丞相六歲從學孟先生

四年甲辰丞相七歲能文

五年乙巳丞相八歲聰明穎悟異他兒

六年丙午丞相九歲孟師心異之

七年丁未丞相十歲學舉子文

八年戊申丞相十一歲下筆有奇語

九年己酉丞相十二歲不待師煩

十年庚戌丞相十三歲

十一年辛亥丞相十四歲數年來皆受業孟先生日進不休

十二年壬子丞相十五歲應鄉舉得貢補太學牒非其好也

寶祐元年癸丑丞相十六歲

二年甲寅丞相十七歲

三年乙卯丞相十八歲魁省元贅壻京口章

四年丙辰丞相十九歲登文天祥榜進士二甲第二十七名

考同年錄其前後爲趙孟頫蔣拱寅鹽城與丞相同榜者爲劉幼發

五年丁巳丞相二十歲李庭芝辟公至淮南幕中

六年戊午丞相二十一歲才思清麗一時文人少及之

開禧元年己未丞相二十二歲

景定元年庚申丞相二十三歲

二年辛酉丞相二十四歲居幕沈靜不苟求人知

三年壬戌丞相二十五歲

四年癸亥丞相二十六歲賓主交歡獨歛焉無一語

五年甲子丞相二十七歲

咸淳元年乙丑丞相二十八歲

二年丙寅丞相二十九歲

三年丁卯丞相三十歲

四年戊辰丞相三十一歲坐樽俎間未嘗稍有希合

五年己巳丞相三十二歲其事皆治庭芝益器之

六年庚午丞相三十三歲庭芝雖改官不使去己

七年辛未丞相三十四歲入幕凡三遷矣

八年壬申丞相三十五歲屢暫堦

九年癸酉丞相三十六歲自入淮幕來凡十餘年主管機宜

文字

十年甲戌丞相三十七歲庭芝置制淮東擢公參議官

德祐元年乙亥丞相三十八歲除司農寺丞累擢至宗正少

卿兼擢起居舍人

二年丙子丞相三十九歲恭帝崩五月立益王於福州爲端

宗卽改元爲景炎元年進公端明殿學士掌樞密院事旋
貶潮

景炎二年丁丑丞相四十歲正月勸陳文龍書旋召還正笏
立朝時在行中淒然泣下以朝衣拭淚左右無不悲痛者
三年戊寅丞相四十一歲帝崩五月立衛王於礪州爲帝昺
卽改元爲祥興進公丞相曰勸講大學章句

祥興二年己卯丞相四十二歲二月厓山破負少帝沉海死
之

陸忠烈公全書續編卷一

古鹽後學陶性堅琴仙輯 子鑲式型校

世系圖

高祖某—榮—大有—芳春

清夫

秀夫

八郎

繇公

七郎

九郎

應袍

道

海

浩

此下諸公皆繇裔也但公孫三房未穩所出故系總承海
道浩三公而下

丞相八世孫衡菴 十世孫竹溪

大策

十七世孫文

振璉

陸公君明家譜自序

弟秀夫文天祥友君實其字也別號江東然子世家原始於

機雲江東派也高大父爲淮安管勾遂籍於淮安州鹽城縣

曾大父榮祖大有父芳春母趙氏玉牒生子弟兄二人君實

自幼穎悟七歲能文其貌極秀文章英邁年十八魁省元十

九歲登文天祥榜進士官至樞密使在朝與陳宜中議不合

宜中使言者劾罷之謫居潮州時予亦備員於潮老母就養

於此而君實年友海陽陳經國許君輔周裕方寶印闕

重修陸氏家譜跋

里人康熙己丑進士海陽知縣顏

敏

不

聖祖仁皇帝御極之五十有九年春

敏承乏海陽

廣東潮州府之首邑甫臨民

事禮神廟次謁宋丞相陸公祠祠在郡城東韓山之左與昌黎伯祠同載祀典禮畢余巡堂廡覽碑記時丞相裔孫明經文璉新安廣文文振攜宗族國學鄉學諸生十餘輩趨事左右問余鄉里時代沿革與其宗支序次去郡邑近遠余鹽城人也悉對以所聞另有小序因溯自祥興二年春丞相抱少帝沉海之日而宋亡歷元明暨我

昭代於今凡四百四十餘年矣鹽之去潮計程五千六百餘里雖東海南海潮汐迴環一衣帶水而山川修阻音問杳不相通濶絕至今良可歎也夫以丞相精忠大節照耀霄壤何東

南海之有聞哉然疆域荒遠傳聞異辭其無足徵信者咸闕而不傳嗚呼丞相闔門殉節僅存長公一脉濱危出險旋分三派流傳及今凡數百餘家其間名德世業彬彬稱盛如舊譜所紀直學士一南宮一兵部提領一指揮使世襲大理評事一鄉進士十明經六其孝節之表表特出者族譜弗遺蓋是譜之作丞相伯兄君明公啟其端迨明嘉靖十世高士竹溪公手編繼之同參者八世德興尹衡庵公也序文則以屬宅相盛憲副公而譜乃成其間罔有遺漏亦無容濫入昔人

云家乘之作與國史等昭世守也

系次二世孫公是丞相好漁獵之子事載潮郡志子

三海公道公浩公分三房從澄海闕望分居各處長房移居郡城東又饒平餘肇又潮陽港口二房移居郡城南又郡城明登軍籍又港口三房移居揭陽桃山又舖前又東嶺又官碩即枝分派別散處異境而水

木本源祀事攸同瞻仰冠笏戔戔遺像俱在懷想春秋霜露
展墓云遙大策傳墓在澳山北青徑口成化間丁樞院碑刻尙存宏治末遂失墓址所在竹溪公請
於刺史郭公青螺先生塋衣冠於鯉溪之東臯置園田三十
畝請

旨豁糧以奉祭祀迨今虔守勿斂嗟嗟青螺先生維持倫敦曠
代勝舉洵與丁周張葉諸公後先輝映者矣然余重有感焉
丞相登第後居淮幕久時事孔亟獨多所誤述聲譽冠羣賢
屢晉階繼而從駕閩粵登樞府高文典冊咸出其手文信國
所稱文彩翺翔鈎漸就湮沒莫能存什一於千百豈非後死
者之責歟况舊譜載丞相以海上紀事書手授鄧侍郎光薦
託以傳鄧歸卒廬陵人或疑書無傳矣而不知紀事書之出

在宋史成後海上事前未及詳故史闕丞相傳而後之詳知
二帝事者猶賴是書之繼出也且時同在淮幕如龔聖予爲
丞相作傳潛竊王公紀爲丞相補諡有疏而鹽城王飛卿先
輩輯丞相遺文執事作前後八冊所紀甚詳其長公青巖夫
子敏受業師也嘗翫此輯史家所未及收者咸覈而有徵
允堪傳信奕代至宜羅致之以補家乘所未備非特世世子
孫展讀之下想見當年軍府朝廊孤忠大節訐謖碩畫炳燦
宇宙而所以翼扶人心護培正氣益令天下後世興感無窮
豈不重有賴哉敬蒞海邑三載緣病予告行歸鹽城爰肅拜
而跋其後

余讀壽考先生陸氏家譜跋可知丞相所存長公一脉流

傳及今嗣續繁衍其間名德世業彬彬稱盛若而人迺上
帝之默佑忠貞以昌厥後倘非顏公縮符海陽曷克致東
海南海地脉周流直俾全書家乘併作一晬盤錄即王鐸
謹識

陸丞相世系考

里人康熙壬午
舉人永豐知縣 沈 儼 誦 芬

公諱秀夫字君實江東派也高祖爲淮安管勾遂藉於淮安
州鹽城縣長建鄉長建里曾祖榮祖大有父芳春母趙氏生
二子長清夫字君明次卽公也公幼穎異年十八魁省元十
九登文天祥榜進士二甲二十七名宋史作景定元年
誤乃寶祐四年也時李
庭芝鎮淮南辟公管機宜文字及李制置淮東擢公參議官
既除司農寺丞累擢至宗正少卿兼權起居舍人端宗立進

公端明公學士簽書樞密院事旋謫潮州公乃奉太夫人就

養於潮兄將夫亦為潮州管勾夫人趙氏

按家譜太夫人趙氏夫人亦趙氏但

龔傳又云居京口章殿撰子美爰以兄之孫子妻之則側夫人又與氏或先娶於章繼室於趙耶並載之以俟考

室倪氏長子繇年十五次子七郎年十一三子八郎年七歲

四子九郎年五歲家人端兒正兒皆從於潮潮之海陽年友

陳經國公與諸臣復立衛王於礪州是為帝昺厓山

以講學志三百畝墾成收租贍口周又以女妻繇朝議

召公還端公與諸臣復立衛王於礪州是為帝昺厓山

破公負帝赴海死時祥興二年二月六日也

龔傳謂二月六日譜作十五日

未知孰是紀以俟考

公年四十二越七日屍浮海上漁人計在門者負

屍歸葬南澳山北青徑口

按潮州志澳山青徑口在饒平縣即學士館舊址負屍歸葬者端兒

正兒也志又云浮尸負靈之說亦無據或衣冠墓耳此龔聖地墓乃太夫人墓丁樞密聚所塋者是也存之以俟考龔聖子開與公同在淮南幕中知公事甚悉爲公作傳先是公記海上事爲一書以授禮部侍郎鄧光薦令傳之後鄧還廬陵卒其書無可跡故海上之事世莫得其詳元時金華學士黃潛金陵客有自粵番禺來者能道匡山事多龔傳所不載後潛入史館纂宋事多入客語史成後光薦家始以其填海等書上潛潛披其與所聞異者附入以補闕畧後人得知海上事者潛之力也公全家俱赴海惟長子繇以好漁獵放跡海島居潮奉太夫人太夫人聞公變亦驚歎以死繇生三子曰海曰道曰浩散居潮之海陽城東城南併移居饒平揭陽澄海等處皆繇裔也元至元間樞密院副兼潮州路總管丁

聚憫公後人流離失所爲塋其太夫人於青徑口給官田五頃以贍其遺孤明潮州郡守葉元玉特於韓山上創建公祠與韓文公祠並峙公之後裔自元明迄今科名仕宦不絕族姓繁衍忠烈之風歷久不衰云

論曰公殉節事見於及諸前輩所紀甚夥獨未詳其世系閱鹽志明邑尊楊瑞雲跋語乃知公之嫡裔在潮州今康熙庚子吾師顏鑄堯先生令海陽時謁公祠閱其家譜與楊公語融合余故博採而輯之併稽潮志以補史氏所不及嗚呼今人有一命之榮其沒也猶必推其家世譜牒以表而誌之况公大節光宇宣而其世系竟湮沒不傳斯非載筆者之缺歟然自公至今四百餘年得鑄堯先生令海陽而公之世系

始顯其子孫得詢知祖籍事殆天假之緣以慰忠魂於冥冥耶

既有考矣圖何爲歟亦以使後人數典不忘也溯丞相高祖爲淮安管勾而竟逸其名知父祖及曾之名而不傳其字他若名大策者知爲公孫而世不及知衡菴竹溪僅知其世而系有未著按考披圖情胡堪此也然而亦得其梗概矣至於長公繇丞相之孝子也相傳僅云好漁獵被逐得不死放跡海島如是已矣而其他不傳嗟乎是亦前人之缺筆也蓋丞相德備才全公忠大義見長公稍鄰曠放即使之去已耳想其聞公變太夫人驚恹而死而長公獨不恨不欲生耶慟亡人旣未獲與母弟偕驅又未及隨先

人武同帝子共沉魚腹而祖母趙更與世長辭悲從中來
不可斷絕惟自悼飄泊孤魂遙望厓門而隕血君耶親耶
俱與天水相上下耶空山灑涕之餘何日忘之矣則泣下
沾襟安知不與丞相朝衣並濕也且卽公孫輩命名之義
而輿於長公觀其深矣敢一代爲揣之夫長曰海者蓋悲
丞相之身也以海非吾親之死所耶卽吾親之死所以名
吾子則訥於口而劇於心當無刻去諸懷耳次日道者蓋
表丞相之心也言吾親在昔以道殉身迨後負帝沉海以
身殉道道也者乃吾親愿死生而不渝者也願汝曹毋忘
次日浩者蓋明丞相精忠大節昭於天也意親身往矣而
公曰與乾坤並麗道則與日月爭明至大至剛直養無害

先人浩然之氣不塞於天地間耶凡若此者其長公孫
孫命名之意與夫然則長公繇丞相之孝子也曠謂被
不死而遂出於七八九郎三公子下哉苟非然者若徒謂
長公僅留一脉不使丞相之嗣中斬乃天之所以報忠臣
也噫斯亦僅已且更何所解於文信國之子竟被難而死
也王體與謹識

重修宋丞相陸忠烈公祠碑記

黃垣

余嘗讀宋史至帝討入海輒想見丞相陸公之爲人甲子奉
命宰鹽爲丞相故里乃閱邑乘所傳及諸懸弔之言備矣旣而
謁其祠遺像端儼堂宇多傾圯爲之愀然昔屈原遭讒謗不
得志於君流之江南自投汨淵死今湘沅間有三閭廟楚人

世祀之不衰丞相舉於國勢顛越之際歷更三主播遷海濱
卒之匡山破乃仗劍驅妻子入海登帝舟拜泣負帝同赴海
以死其事大其勢倍難古之人一旅一成而可以興鞠躬盡
瘁而至於死成敗不足論也丞相實兼之矣丞相故不以祠
存豈徒爲故里光哉故里有丞相祠神之所憑依也遠人之
望也其傾圯至於廢壞則人之所共悼痛也上自公卿下逮
田夫野老瞻望祠像心念此邦先賢宋丞相陸忠烈公在焉
丞相其不沒矣夫余久欲修葺以他務未遑今始得遂其願
祠建於明嘉靖間代有修之者我

朝康熙二十六年孫司空在豐閱視河道至鹽拜公祠特爲捐
修於茲迄六十余年踵其後并以屬後之君子云

陸君實先生傳

衛哲治

先生姓陸氏諱秀夫字君實鹽城人生三歲父挈之徙鎮江
幼穎悟異他兒比長學舉子文下筆有奇氣年十九中寶祐
四年文天祥榜進士李庭芝制置淮南辟除管機宜文字性
沉靜寡言笑每僚吏至閣賓主集坐交驩先生獨矜莊終日
敏衽無一語庭芝益器重之累除至起居舍人以禮部侍郎
使元軍前請和不報俄臨安失守太后及瀛國公降元州縣
望風迎附先生與蘇劉義張世傑等追從二王至溫州端宗
立進端明殿學士簽書樞密院事先生在兵間久熟諳軍務
宰相陳宜中引以自近多所咨訪已而以言者劾去張公世
傑責讓宜中此何時輒令臺諫排論人宜中卽曰召還遷海

上先生遂執政事海濱誅茅捧土爲殿陛百度草創先生每當朝會儼然端笏盛服如立治朝屬井澳風炎熱少帝以篤疾殂先生復與世傑擁立衛王徙居新會之厓山元兵來攻世傑統大舟三百柁分前後中三部以對敵者爲前鋒中部居王前鋒失利波濤掀湧衆驚亂無復部伍先生知不免仗劍驅妻子先入海號哭拜王陛下不可再辱抱幼君以匹練纏束如一體用黃金硃腰間赴海死時祥興二年二月十五日也越七日屍浮海上家人負屍歸葬澳門北青徑口年四十二

論曰先生爲淮郡忠義第一人嘗讀龔開聖予所作傳頗嫌其蕪且謂先生全家蹈海無後繼閱鹽志明邑令楊公瑞雲

傳語云公之嫡裔在潮州楊南海人而令鹽城其言必有據
近日鹽城沈子儼考先生世系云公以簽書樞密院事旋謫
潮州公乃奉太夫人就養於潮長子繇年十五次子七郎年
十一三子八郎年七歲四子九郎年五歲未幾朝議召公還
公挈妻子遷海上繇獨留潮奉太夫人以居暨厓山破公與
妻子俱蹈海而繇獨存太夫人聞公變亦驚悸以死繇生三
子曰海曰道曰浩居潮之海陽城東南後子姓繁衍散居饒
平揭揚澄海諸處皆繇裔也由元明迄今科名仕宦不絕康
熙庚子沈子之師顏敏令海陽謁公祠閱其家譜與楊公語
昭合益信先生有後不誣先生之謫潮蓋由陳宜中令言者
劾去先生有景炎二年春正月二十日與陳文龍書自云寓

潮州罪人某前院不越月貶潮迂戇無補分所宜甘蓋正當
端宗初立之年也嗚呼宜中當天崩地坼之時猶爲妬賢嫉
能之舉此誠罪不容誅然安知非天欲留公之一綫於潮改
令暫爲此行從來小人之禍君子正所以福君子然此皆天
爲之非人之所能爲矣余喜得公軼事且幸賢者之有後因
摭摭諸書刪其繁仍詮次爲傳復且論之如此

按龔傳道丞相一身事實最爲切要此論嫌其蕪實未細
察也夫丞相蹈海一書手授鄧侍郎光薦鄧還廬陵卒後
其家匿其書迨元黃學士潛纂宋史時始出其書多紀海
上之事而丞相一身未及載也後人得溯其生平者皆龔
傳力也但傳云陸氏一枝無續今閱南海楊公瑞雲傳記

以及吾鹽顏沈兩先生者皆云公嫡裔在潮豈非龔傳
誤耶然聖子先生與丞相相識淮幕久之故能道其詳而
紀其實而丞相居官海上先生未與也無論長公繇或奉
命於潮或被逐於潮皆未及考也設因此以輕議其傳其
論殊未允陶性堅謹識

陸丞相夫人

考明宏治十四年廣東右布政使劉大夏建祠祀楊太后以
陸夫人配享萬厯壬辰鹽學司訓龐尙鴻申請當道亦以夫
人及三子配享公祠

按沈誦芬先生載太夫人趙氏公側室倪氏家婦周氏均
可無疑至夫人之爲章爲趙幾難辨別但龔翠巖先生旣

言之鑿鑿公孫海亦云祖母趙氏又非屬無稽大抵元配章氏夫人繼配趙氏夫人龔傳言章不言趙從其朔而言之家譜言趙不言章要其終而紀之是亦理之可信者歟如是則仗劍以驅者殆趙氏夫人也若諸子之所從出或皆趙夫人或兼章夫人或併出於倪氏則不可曉姑闕之以俟知者陶性堅謹識

陸公祠

祀宋陸忠烈公公殉厓山鹽城乃其故里故建祠祀之在儒學西明嘉靖十年建有仰止堂中流砥柱坊表忠亭十七年縣丞胡鰲增建浩然堂後圯邑人高萬節捐建

國朝康熙二十六年工部侍郎孫在豐總理下河捐俸修葺乾隆

十一年知縣黃桓重加修建內外堂垣燹然一新有祭田六十八畝五分坐落西門外泰山廟河南畔係明萬厯四十四年巡鹽御史謝捐置

陸丞相墓

鹽城縣西南五十里大陸莊公衣冠葬處

宋忠臣丞相陸公故里碑

萬厯辛丑孟春建乾隆丙子季春重建上有海國孤忠四字在鹽城儒學街對丞相祠巷

痛仰孤忠坊

鹽城新橋大街爲宋陸丞相立

祠聯

曹子汴

淚灑西風濕透朝衣。渾是血。
身沉南海。洗清宋骨。不沾塵。

宋曹

正笏望南天。日日撫厓山。帝子。
忠魂歸故里。巍巍留宋室衣冠。

方公文

厓山

炎午曾參文吉水

聖子重傳陸厓山

魯智

社稷已墟。尚有懷中六尺。
君臣不死。直從海底千秋。

歙縣 仇夢巖 秋人

瀝胆披肝眼看已破山河衣裹千行之淚
竭忠盡智志存不辱社稷身負六尺之孤

謁祠祭文

陶 鑲

天窮宋室駐驛厓麓顛危勸講匡扶并澳猛獸逼人二王匍
匐寄命託孤傾心海曲龍遜於淵太陰斯伏國步多艱君母
再辱嬰白難存願飽魚腹忠烈一門千秋表暴故里崇祠英
靈穆穆瓣香伸敬巍然在目於戲尙饗

陸忠烈公全書續編卷二

宋

陸君實輓詩

陸輯詩序

龔 開

處死丈夫之能事衰亡朋友之至情因能事而至情尙幽
明相需之理也至若無間親疏久近而能使人一切哀之
如漢之李廣將軍知與不知皆爲流涕此其理又安在哉
嘗求其說於太史公傳贊有云彼其忠實心誠信於士大
夫也曰否不然夫李將軍英特偉傑人也當其窮而自裁
非命與非義相爲重輕義重則命輕命輕則不知死之爲
非故人之哀之也不復以久近親疏爲問蓋知哀其私而
不知爲人才世道悲也嗚呼以英偉傑特之人窮而自裁

時人哀之尙無間於親疏久近而况舍生就義爲萬世立
綱常絕無而僅有者乎是故大中之道也陸公君實其謂
是矣僕自泉南回浙西聞公死事悲悼不勝將以詩弔懼
傳聞之失實也旣久聞於鄉人尹應許云得其詳於翟招
討國秀翟得之辛侍郎來辛侍郎公安藕池人仕海上目
擊其事可信無疑然後成長句一首並爲之序於是乃遂
謄寫庸俟諸作者伏惟諸作者與之素交或聞名而未及
識或識而未至於穩一切以天理民彝處之幸惠之詞異
時刊刻以傳其亦庶乎其可也或曰厓山敗時公位右丞
相三樞密使非也雖揆席本兵皆一時外物不足爲公之
重經旣二其傳孰爲之定名故字而不爵如布衣云壬辰

三月淮陰襲開序

立事寧將敗事論在邊難與在朝分從來大地爲滄海可得
孤臣抱幼君南北一家今又見乾坤三造可曾聞他年自有
春秋筆不比田橫祭墓文

彭城人鄭疇叔範

蒼姬嗟訖錄漢火可能災自古誰無死存孤志未厭力殫精
衛石身殉鼎龍髯萬里烟濤濶忠魂貫海蟾

山陽人尹應許

誰使權奸釀禍深末流無復救危杵君臣霄壤難同死社稷
坵墟可再生叔寶井中空大辱魯連海上特虛名一家骨肉
俱魚腹留得丹心萬古明

忠義獨斯人危益須臾見益真身不遠亡憂喪節君非
同逝慮蒙塵平時誰執朝廷柄末路方知社稷臣楚些欲招
招不得滄溟南望浩無津

山陽
人 湯炳龍 子文

七日陰霾事可知樓船魚貫果誰爲人心自感興元詔天意
難同建武時黃屋朔風那有濟角巾東路覺無期公爲萬古
綱常計兒女扳船不暇悲

間關海島豈謀身嬰臼心存力不能天上龍章空結夢人間
魚腹了中興英雄一死從君父忠義遺編托友朋萬里楚魂
招不得詩成惟有淚沾膺

劉麟

八面軍威八面攻。馮夷飛血染千蓬。波翻水寨乾坤震。風仆
檣旗社稷空。羣辟散班奔鵠首。孤臣扈蹕憇龍宮。茫茫南國
重回首。一片丹心照海紅。

明

潘叔獻

扈蹕浮橫海。神州竟陸沉。託孤只有死。辱國更何心。偉節垂
天地。芳聲冠古今。厓山遺碣在。徒使淚沾襟。

華亭人 顧正誼 仲方

元師如電擊江南。望風奔天子。解璽綬稽首。端明門二王竄。
閩海趙家餘燼在。立以奉宗祧。天心或未改。是時倡義臣文
陸張將軍許身乃。其志存亡非所論。福州寇復至。卜築厓山。

際非爲興復場聊作埋身地端笏立朝廷悽然淚沾纓生平
章句學郎可控元兵元人塞海口尙思爭勝負檣旗一夕仆
宗社爲烏有文臣將若何抱帝沉滄波武將安所適與舟同
覆溺雖無補天功凜哉節士風宋家重儒術淳風庶不失君
看南海旁盡是忠臣骨

改書奇石山張洪範舊刻並題

監察御史徐瑁

扶植君臣萬代綱秀夫世傑與天祥不知洪範誰家子翻向
厓山促宋亡

陸丞相

王典堯載

宋家善養士收功在厓山正笏立危朝血淚何斑斑精衛沉
滄海招魂不可還明明燕市月相望無慚顏

國朝

陸公祠

潘聲冠

根斷泉源誰力爭。孤臣飲恨獨論兵。中興未遂先皇志。再造
仍寒幼主盟。海泣魚龍舟倏覆。山來風雨鼎旋傾。身埋怒浪
心難死。想見胥潮尚未平。

阮晉鶴緜

先生節烈有誰攀。只許文山與疊山。浩氣自留雲漢表。孤魂
應在雪濤間。庭荒碧草清風冷。門暗金鋪白晝關。一望威儀
神凜凜。千秋展拜淚潸潸。

邱象隨

翠華又擁大洋中。獨恨昏天起颶風。幸海朝廷原不辱。飛龍

歷數竟無終徒將心力過張許却使功勛讓鄧馮遙望寒潮
打祠屋猶依蜃市認行宮

賽神曲

有序

山陽人傳
學鴻詞

張鴻烈

岸齋

凝祀宋丞相陸公也丞相諱秀夫字君實鹽城縣人文天
祥同榜進士官至侍郎左丞相厓山破仗劍驅眷入海尋
負少帝同湯海死事詳龔開所撰傳明萬厯間推官曹公
于汴始建祠於淮陰舊城山陽縣署東與徐節孝祠相並
爲歲時講學之所今祠址與塑像尙存康熙壬申癸酉間
山陽縣知縣鄭公鉞募修之祠今煥然歲修祀事此賽神
曲所爲作也

海澳山侍郎嶼策天吳從風雨海水深誰與處抱幼帝如當

守神之來島中淑。古鹽瀆射水陽。虹隄築捍海長。昔沉淪。
三十霜。乘怒濤。靈旗揚神之棲。悲故鄉。楚州城。節孝里。崇
榱桷。煥筵几。孝配忠。式後起。宋兩賢。堪媲美。神之靈。茲冥止。
列脯醢。薦渚蘋。燭明滅。香氣氤。光恍惚。如有人。漢衣冠。宋
孤臣。神之享。億萬春。禮告終。饌將徹。雲車回。神人別。望潮
陽。如歸闕。山易夷。海常竭。公之靈。不可輟。

弔陸丞相

前人

曾讀龔開傳。今瞻陸相祠。骨埋孤嶼際。魂返射陽遲。古木啼
寒鳥。荒苔蝕斷碑。緬懷沉海事。千載泪堪垂。

吳江人康熙
己未鴻博潘耒稼堂

匡山尚住宋遺民。文陸當年事苦辛。窮海不春猶正朔。孤航

無主自君臣。忠魂鬱作潮頭怒。浩氣蒸成蜃闕新。異代流風多感激。草間時有納肝人。

高郵人雍正癸卯進士夏之蓉 體谷

丞相大義星日光。身逐滄海蛟龍翔。維桑與梓召魂魄。褒衣大冠千載藏。

鹽邑大陸莊有衣冠墓

荒祠筆岬峙道側。古柏蒼藤圍野

色。試看先軫面如生。只恐萋宏血猶碧。我來親奠几筵前一拜再拜心拳拳。文山登山並科目。得人之盛非偶然。

新安人曹振鏞 學士 嘉

君臣播越痛流離。淚拭朝衣左右悲。最苦垂簾諮衆策。猶教正笏肅官儀。太妃忽猝稱奴候。丞相倉皇負帝時。家國盡滄海去。浙江三日斷潮期。

紫琅 王紹祖 良莠

宋末先生一大儒。顛危勸講力匡扶。戰殘戎馬心逾壯。濕透朝衣淚已枯。殉國願甘爲趙鬼。捐軀誓不受元俘。至今奇石山頭月。猶照忠魂負幼孤。

紫琅 王述人 茲泉

陸相祠中一瓣香。儀容瞻拜倍心傷。自從奇石捐軀後。鮫室朝參孺子王。

耿耿丹心迥異常。南遷不忍墮三綱。偏逢詭計張柔子。樂作厓門逼宋亡。

明

鹽漬古評 有序

以下俱鹽城人

王夢熊 飛卿

宋丞相陸公秀夫鹽城人宋帝昺時左樞密及厓山破驅
妻子入海中尋負帝赴海死

宋室已難爲忠貞不可替傷哉陸樞密始終爲捍衛四海盡
烽煙猶立中興系繫遶向粵東正笏尙自厲朝衣拭淚痕辛
苦勿少憊端亡國繼之成滅思克濟迨至戰厓山風沙沒其
勢先驅誓妻孥旋與主同逝自古有忠臣一死無他計誰如
公宅心至死不離帝惟恐五國城衙壁徒自斃當其憤決時
安有名節繫千載垂汗青日星與並麗

陸丞相祠

徵士宋曹份臣

東海祠堂綠苔古。一代孤忠欽木主。身沉還自整朝衣。千秋
爲宋存簪組。可憐遺恨愧無功。留劍中原起國雄。揮淚爲論

今日事若在厓門衰草中

拜陸丞相墓

墓與太子樓相望

有闕亭

夏州梁

蚪巖

三百年餘正氣收。霜天萬里起人愁。花明黑海孤臣墓。草蔓
青春太子樓。烏鬼搖蠻吹野火。樵歌牧笛飯荒邱。主臣魂魄
今何定。國事當時付水沤。

邇荒海上六龍浮。顧命孤臣振委裘。社稷邱墟餘尺土。元戎
汨沒罔同讐。乞師豈少秦庭血。灑泣難登溫嶠舟。波底君臣
原不死。眼前妻子總千秋。

三戶亡秦猶善楚。千行勅旅海風濺。天沉北極諸陵燼。地盡
厓門九廟阡。氣作山河衰馬角。身騎箕尾抱龍髯。白鵬亦解
忠臣意。從死如歸赤滷甜。

帳望精英勸海門。寒風釀酒拜高原。朝衣仍漬厓山淚。正笏
常扶帝子魂。時有野燐棲兔虎。曾無麥粥拜兒孫。可憐梓里
猶祠廟。荒塚年年風雨昏。

國朝

謁丞相陸公祠

有序

有蕉籬
詩集 顏 敏

康熙庚子歲敏承乏海陽恭謁宋丞相陸公祠堂獲晤丞

相十七世孫明經文璉新安廣文文振攜宗族諸生等遡
自丞相至今十七世本支相傳派衍蕃盛咸聚族於此奉
祀祠墓其籍鹽城者皆丞相胞兄諱清夫字君明潮州管
勾之後裔及宗人也東南海澨天各一方人代變遷始通
鄉信爰賦長句誌感

五千里外仰靈光。四百年餘信渺茫。身殞龍潛天墮水。裔安
護屈客拋鄉。封潮墓自丁樞院。蹈海書傳鄧侍郎。丞相雲孫
風格在。嗟憑梓里話滄桑。

謁陸公祠

有西渚詩存 劉沁區 水心

事已難爲始。用公二主推。戴幾人同南。遷官府波濤上。北望
山河涕淚中。猶緒運籌延國步。頻煩進講啟宸衷。兩年特紀
祥興朔。正統相承自建隆。

海上樓船四絕援。肯書降表出厓門。捐軀豈惜孤臣殉。屈膝
惟憂少主存。勢迫驅拏先就義。時平養士特酌恩。登科不愧
同文謝。宋有三仁一榜掄。

陶一榮 周臣

先生宋末歷多艱。官府南遷竟不還。蹈海淪胥悲吉水。殉身
激烈泣厓山。書交光薦留全紀。傳作龔開見一斑。瞻拜儀容
思仰止。成仁取義聖賢間。

康熙壬午科舉人考授徵仕郎內閣撰文中書舍人陶立忠於門

三百廿年臨大節。伊誰不奪力匡扶。垂簾太后諮安策。正笏
忠臣輔幼孤。社稷已虛寒。戰士檣旗盡。仆矢雄圖厓門濕。透
朝衣。淚星隕。龍潛握赤符。

有雲谷山房續草金銘石友

掀天撼地濤飛雪。孤臣耿耿心如鐵。身抱龍髯去不回。蛟宮
貝闕藏身穴。我聞楚靈均投江。性孤潔。又聞魯仲連蹈海心
激烈。卓哉忠烈公。尤克全臣節。烽生敵壘黑。飛煙淚灑朝衣。

紅濺血行宮端笏正遺孤大學十章勸講說造次顛危絕不
違喪君有君肝膽熱天意如教宋祚延洪範之師立摧折委
裘負哀振朝綱伊周事業堪頑頡才高命不猶孤衷寸寸裂
國亡君與亡青衣弗污巖妻子付淪胥魚龍助悲咽匹練束
體金碰腰爇倫日月常昭揭慷慨捐軀事固奇如公大節益
奇絕吁嗟乎厓門之山何崔嵬南海之水何澄澈山有時而
傾水有時而竭公之精誠永不滅

樂臨伺 孩夫

祥興嗟播遷國步已板蕩河山涕淚中官府波濤上端笏仍
進講忍忘盛明狀樓船四絕援事盡神轉王陛下毋再辱千
秋爭片晌主臣並一體魚腹良可葬吁嗟大節垂有宋得此

相落日照古祠孤忠夙所仰
髣髴舊英魂簷外松風漾

任興率寺有
幻菴詩草 釋新稱

天地茫茫正氣存
好招厓海未歸魂
宋家社稷已無土
陸氏漁樵尙有孫
夜雨莓苔埋碣字
秋風蘿薜掩祠門
淮東此日瞻遺像
襟袖如霑舊血痕

和孫瞻
眉韻

前人

有宋當偏安
孰云天地缺衣冠
會東南其儀未嘗忒
嗟哉末葉時
神州竟傾側
社稷載樓船
海天烽火逼
日射鰲眼紅
風舉鵬背黑
君臣酸肺肝
乾坤慘顏色
陸公君子人
無地可施力
舟覆厓山前
呼天迸哀臆
雖曰龍伯宮
尙是趙家國
成敗不必論
死生豈易測
厓海招忠魂
淮天崇廟食
故里有遺祠

不假丹堊飾迄今五百年舊碣如新刻遺像猶尊嚴凜然不
可卽當其抱幼君逆流赴厓壁海底立朝廷不愧託六尺乃
與天周旋豈隨波恍惚厓山九字碑蒼苔不能蝕欲求公之
神在在皆可得欲求公之心但教人紀植矯首望南天故宮
盡黍稷歸然丞相祠千秋壯皇極

次孫嘯
眉韵

王復曾 編叟

讀史每不平欲擊壺口缺傷哉宋末造天運何差忒維公矢
孤忠焦勞侍君側殫九誰與援勅敵苦相逼山前日脚黃海
上風頭黑波濤壯軍聲帆檣鼓戰色地陷厓嶺門天窮相臣
力誓死却如歸熱血傾胸臆其時君幼齡豈知身殉國降王
既可羞敵壘復叵測托孤義謂何斯言不容食還將白練裹

肯受青衣飾一體務兩全肝胆真鏤刻潛龍仍在淵虺蜴焉
敢卽想見屈平魂猶立亞夫壁笑彼苟免人可有此七尺電
光並石火滅息在倏忽氣不貫日星是物皆堪蝕惟公能致
身若與臣兼得一塊肉雖亡三綱誼自植遺像故鄉祠春秋
隆黍稷正笏當年心耿耿無終極

讀宋丞相陸崖山傳

有鏡閣
間吟 薛韞齋編與
配

自古誤國臣所貪在金紫屈膝甘受唾庶幾保妻子身與名
卒滅真如糞土矣偉哉忠烈公有宋社稷倚時勢不可爲到
此無生理殉難驅全家凜凜仗劍起夫人有難色原非心畏
死竊願公同歸行故遲遲爾公謂女慷慨吾豈反委靡說罷
母携兒直往清波底惟公無後慮君臣亦投水成仁非一身

大共維倫紀海中精氣多團聚自公始

弔陸丞相

沈光宸

金戈鉄馬起鳴灘。一旅宵奔泪不乾。肯教聖君仍北狩。生憎敵國戴南冠。厓門片石丹心峙。射水叢祠白日寒。知是正心功有素。鶴林秋夜一燈殘。

徐樞

珊園

颶風吹湧濤頭紫。厓門半壁天連水。山橫奇石走南溟。宋室君臣同殉此。君是祥興臣陸公。一十萬人沉海底。偉哉丞相能成君。仗劍驅拏實倡始。負帝終懸捧日心。忍令帝作降天子。想見當年進講時。正心學業超常軌。一代眞儒紹紫陽。千秋亮節光青史。我生實近丞相鄉。高山景行恒仰止。嗚呼宋

亡有三仁維文維謝同芳趾先生之節奇復奇海底君臣永不死

王承露 質屋

主辱臣死何足奇史書今古多有之或爲國殲或主殉殺身原是臣所司臣死不能脫主辱臣節雖完臣心悲宋陸丞相字君實身死猶作主之毗寶祐四年魁廷薦早歲滄東參機宜經濟總得大學旨誠正修齊兼平治中由制置達樞密鼎湖四泣都三移戊寅帝昷卽帝位艱難困苦倡六師知有趙家一塊肉間關跋涉焉知疲明年二月厓山破昏霧大海漂旌旗劉翟諸奸盡降敵蘇張兩賢爭斷維丞相痛哭淚變血匍匐上前前致詞德祐皇帝辱己甚陛下安可再辱爲驅妻

李兮仗長劍騎蛟龍兮逐鯢鯢負君臣背臣背俯背俯猶是
偃僂儀臣身從與海神見臣心惟有海水知於時宋主一朝
亡宋亡宋臣一家隨於時宋祚千年存宋存元人不敢窺洪
範之求求不獲楊璉之慘慘難施憑誰拾得衣冠返又誰認
得波中屍方壺員嶠足巡狩鮫宮蜃樓開講帷烟籠雲護千
萬頃宋君宋臣疑在茲我家丞相之故里弔古來拜丞相祠
紳笏肅穆氣輯抑想見談經當龍堦髮髯上指色奮厲又如
渤溟長去時二三兩君左右侍亭亭多作琅玕姿拂拭細讀
壁上詩摩挲兼尋道旁碑烈日皎潔俎豆器陰風慘澹松杉
枝身死心迷名未著珥筆當年應闕疑宋末臣子抱全節公
與文山疊山而或先公死或後死嘉名顯號人爭推流傳有

幸有不幸韓延之請何其私又况全身兼全君君臣萬古無
乖離不惟二公有不及此事直駕古湘纍太原先生上抗疏
屢劫不欲墜其基發潛闡幽志萬載謚以忠烈陳明棗條今
殿角走風雨朱樑畫檻同傾歆廣庭崇階積糞土長廊曲廡
棲乞兒鳩工庀材大啟宇作者有人述者誰廊下乞兒向我
說此公大厦能支持

詩作於未經
修造以前

陶德堅 靜山

吾鄉先輩節高標宋末孤臣冠百僚遷國舟航從幼主殉身
汲浪死衰朝聖經侍講顛危日忠魄憑依鼓盪潮詎料數椽
祠宇舊堦前草木冷蕭蕭

一榜三賢簡冊輝扶持士氣有餘威何須謝氏徵書却直

文山碧血飛崇祀近鄰宣聖廟遺容儼著宋臣衣願新樓櫓
光華復不使神宮鳥鼠歸

徐燧蓮舫

先生奇節邈難儔亡國堅持殉國謀風雨匡門空半壁君臣
海底自千秋鶴林鐙火傳心學粵嶺衣冠卽首邱故里敬瞻
祠廟在殘碑披讀不勝愁

力佐祥興事劇難誓將赤手障狂瀾師殲南海心逾壯汨灑
西風血未乾負帝甘從溟渤去沉淵休作汨羅看至今嶺嶠
存生氣柴市成仁節並完

張芳齡蕪甫

開闢以來奇事卽有此大海之中孤舟輔孺子祖宗疆土尺

寸悉無之。四顧浩浩湯湯。唯一水。北軍帝至南軍。猶未摧。一夜海風鼓浪。高崖嵬樓船三百。帆檣已盡仆。貌茲六尺相對。空悲哀。一君旣辱。豈容復再辱。仗劍先驅。妻子入海曲。此時此身入海。亦何辭。何處置此趙家一塊肉。與其行酒執蓋衣青衣。不若國亡與亡。得所歸。臣死背負其君。與俱死。海中君臣同體。相因依。我聞愛君之臣。古儘有。未聞死時負君。不釋手。我聞殉君之臣。古綦多。未聞死時負君。同沉波。哀哉。七日浮尸出海嶼。嶼上孤冢纍纍。渺何許。故鄉遺老懷古。繪爲圖。彷彿鯨波鰐浪。吞復吐。噫嘻。人臣遭遇。亦何常。粵昔周公攝政。輔成王。爾時來朝。一千八百國。丕冒海隅。君臣壽且康。公書大學章句。日勸講。治平宜與周公配。爲兩。豈知一則承天。

之休致鳳麟一則際時之難侶蛤蚌志奇事奇忠烈尤自奇
家山疊山鼎峙無差池廉頑立懦千秋人痛仰後來奇節誰
復興等夷

前人

一夜風驅大海翻君臣慷慨殉厓門同心妻子爭先溺遺骨
蛟螭敢或吞伍相江頭空跋浪左徒澤畔漫招魂可憐共作
淪胥客猶覺輸公一死尊

自古成仁祇一身成仁豈復致君仁與其執蓋游燕市孰若
捐軀付水濱萬里舟中存故國千秋海底事冲人祇今風雨
瓢城夜時聽荒祠泣鬼神

陶志堅

蓮芬

止敬嘗懷正初勸躬致命不躊躇千秋碧血厓門水一片
丹心大學書取義成仁忠曷似臨危履險烈何如最憐負主
捐軀日誓死如歸德萬餘

徐檀樂園

宋末厓門始見公如公大節許誰同鼎傾竭盡匡扶力主幼
頻煩啟沃哀妻子先驅知事去君臣偕死濟時窮南遷備歷
艱辛後留得丹心照海中

金旭昌芷沅

一榜三賢哲先生節烈奇南遷天不助北望力難支鮫室千
秋淚厓山九字碑抱屍浮海上潮斷浙江期

擬宋丞相陸公宜請從祀

聖廟議畧

陶性堅 琴仙

周禮春官凡有道有德者死則祭於瞽宗戴記亦稱祀先賢於西學然則從祀學宮其典舊矣自漢以下代有其人惟宋特多而宋儒惟朱子集其大成吾鹽忠烈陸公之生距朱子歿僅三十有七年流風餘韻未墜於地公幼私淑諸人卽有志於聖賢之學恥世之從學者苗而不秀秀而不實故名秀夫而字君實自登第後在淮南李庭芝幕府沉靜不苟求人知尊俎間矜莊終日其居敬存誠已畧見一班迨端宗時進端明殿學士播越海濱庶事疏畧公獨儼然正笏立如治朝非誠敬曷克致此泊平衛王嗣立時則敵氛益近國步益危

以公爲左丞相內調工役外籌軍旅雖忽遽流離中猶日書大學章句以勸講蓋欲以格致誠正之學建修齊治平之業俾中人爲堯舜之君特未竟其用耳以視孔曾以來道學正脉庸有愧色未幾厓山兵潰朝服負君與其妻子及十萬衆同沉於海所謂殺身成仁舍生取義托孤寄命臨大節而不可奪者舍公其誰是知公之生平明體達用無一事不可建諸天地無一念不可質諸聖賢斯卽進之宣尼之側先賢先儒之班奚不可者或曰有宋從祀諸子生則聚生徒以講學歿則垂簪述以教人公獨烏有似與諸子有間余曰唯唯否否不然夫公之時何時乎軍馬倥傯羽書旁午祖宗寸土俱爲強敵之所并吞孤舟航海猶欲聚生徒垂簪述毋乃與百

官戎服聽講老子者不同而同也耶公其肯出此亦豈暇
此或又曰公之祀肇於鹽訖於粵有曰海國孤忠者有曰十
忠完節貞志烈節者所在咸有專祠何必於學余曰專祠祀
忠也

聖廟祀學也現在兩廡既無木主學之右忠義祠復無其位春秋
祭饗殊覺闕如蓋公之學反爲公之忠所掩故後世祇知爲
忠臣而不知爲理學尙論者不無餘憾也邑先輩王飛鵬先
生輯公遺文軼事彙成八冊其長君青巖夫子爲先高祖周
臣公授業師藏其書於家五世矣茲與紫琅王子良葦山陽
丁子柘唐業師徐子蓮舫舅氏張子莪甫公同參訂並將王
氏孫曾所補與後之君子弔古諸作薈粹成編命子鑲悉心

校錄付諸棗梨篇終謹將從祀末議附列於後倘得大吏特
疏入

奏俾公共享兩廡特牲之饋旣已闡潛德發幽光且使有宋一
代真儒之脉均有攸歸性於是尤有後望焉謹議

附陸氏譜系辨

陶鑲

考吾鹽忠烈陸公之後在潮者公之子繇在山陽丹徒與鹽城者本公族屬故淮山張岸齋先生據廣東通志厓山志及潮州守葉元玉復張詡書以及邑人顏沈兩先生考跋皆謂公裔在潮無如山陽

陸應袍序丹徒

明楊學士一清序

鹽城陸氏譜皆稱

嫡派且不第此同年錄公自書三代榮其曾祖也祖大有父芳春今謂大榮爲公考公胞兄清夫又以爲達夫公夫人京口章氏繼室玉牒趙氏側室倪氏今日孟氏年表公生於宋理宗嘉熙二年戊戌十月初八日寅時今日八月某日時年四十二今日四十四世系圖繇係公長子

據明鹽縣令南海楊公瑞雲傳記

今日第四子均不符合然籍山鹽陸氏科名仕宦彬彬稱盛

籍潤州陸氏一伎名淪淪子徙居河南名文正爲光祿大夫
名順爲鎮國將軍未嘗不於公有光但爲人子孫水源木本
各有攸歸固貴數典莫忘尤必世守勿替一經舛錯豈非仁
人孝子之隱痛乎余細檢機雲諸譜其間實有自相倒置者
恐相沿日久遺誤滋深斯不可以不辯

余讀宋史至厯山殉國事竊嘆丞相之節洵超千古而獨存也夫靖康失守二帝北轅其辱國實甚矣使先生僅以身殉而不能負帝蹈海能保吾君之不再辱乎是先生之死不徒死能成其君以殉社稷使有宋三百餘年理學正氣得常伸於天地間皆先生力也較之空坑見執柴市成仁不後先一轍哉余謂先生本誠意正心之學輔幼主全大節宜與信國公同在從祀之列而事不果行均有遺憾焉卽其生平著作之精出處之正以及後人請謚之議題咏之章往往畧而不傳或傳而不脩有志者深悼之今讀王飛卿先生所集陸丞相事實一書深服其搜羅富而紀載詳且其立論奇確真良吏才乎飛卿先生爲青巖夫子尊人青巖負經濟才明忠正

史公開幕揚州禮爲上客時羽書旁午一切機宜文字皆出其手

熙朝定鼎後遂高肥遯之節與宋射陵同爲隱君子然其所著太極圖說朱陸異同辨史局通論卹荒防河畧諸篇皆經世大文遠祖麟經不愧一代作手證諸飛卿先生所著知家學淵源有自來矣燧高祖母卽先生女燧於先生爲外昆孫故知先生事甚詳因讀是書而脩誌之今陶生琴仙父若子閉門却掃縈情著述每關心於前代忠臣節義之事出家藏全書原稿參訂於余余見之喜而不寐矧此書一出大有關於世道人心可不亟梓行世俾丞相千古奇節永垂不朽乎哉蓮舫徐燧謹跋

事有晦於昔而顯於今者陸丞相全書其一也丞相在字宦
間爲第一流人物國史邑乘班班可考奚俟復有此書但史
乘皆紀其大者遺文軼事例不應載因是闕如茲則薈萃列
爲全書俾鄉之人望古興懷足以砥頽風厲末俗立懦廉頑
厥功甚偉此王飛卿先生所以惓惓於是臨終尙以手指敝
篋而不忘也飛卿前明遺老其子青巖先生清操碩學負經
濟才忠正史公禮爲上客晚承先志而續成之其成已二百
年乾隆乙巳予嘗於書肆故紙中見其鈔本零星斷簡不成
完書陶子琴仙多材嗜古其先世周臣公隱居箸述爲青巖
高足弟舊藏此書全藁於家紫琅山人王子良葺吾淮孝廉
丁子栢唐見之皆曰此不朽盛業也因是琴仙及諸同人謀

付諸梓且重加校定焉噫嘻自今以後丞相遺文軼事世之所莫知者固不悉知兼以補史乘所未備誠足令四方人爭先覩之以爲快矣夫飛卿蒐輯於二百餘年以前琴仙增補授梓於二百餘年以後謂非晦於昔而顯於今歟兩牕岑寂老眼糊塗陶子囑予參校間有魯魚亥豕以及不必載者之餘悉仍其舊本丞相有謗尙凜凜於楮墨間乎珠溪籬居士張芳齡藝甫氏謹誌

庚寅辛卯間余主講鹽城表海書院邑人來問字者多讀書
停行之士余因訪求陸忠烈公遺集徧詢故家文獻未之見
也久之及門陶生式型持故帙來乃丞相全書王飛卿父子
所蒐輯也丞相遭際難屯蹈海淪陷其爲詩文廩有存者楮
墨流傳重可寶貴顧後人多埶箸之文頗傷漫衍余僭爲正
其傳譌削其附贅而歸稿於式型勸之付梓於是式型尊人
琴仙先生復有續譜鏤版行世會余入京不及與讐校之役
及余自都門歸而是書已刊成矣嘗歎宋末忠節丞相與文
山疊山齊名文謝皆有集而陸忠烈獨無非藝林之憾事歟
今得是書而梓行之不獨表章一方文獻且與天下後世共
傳之則斯集之湮而忽顯若天之默相之者而亦忠烈之精

貫日月久而逾光也余曩語書院諸子忠烈於十月朔八日
生見寶祐四年登科錄每歲當於是日致祭修敬諸子皆以
爲然若夫因而崇之如夢仙從祀之議祠於學宮購之兩
此尤余之所深望而亦幸此書之行當代薦紳先生必有
是編而興起請於

朝而箸之祀典者庶幾振興忠義風勵臣工誠

聖朝之盛事也然則是集之刻所係豈淺渺哉

道光十有六年歲在丙申五月中旬山陽丁晏後叙